

玉

海

七十二

玉海卷第一百四十五

浚儀王應麟伯厚甫

兵制

講武田獵

建隆便殿講武大閱西郊

五代承唐衛兵雖眾未嘗訓練太祖首議教閱或召

近臣觀陣伍幸殿前班馬射所過池苑多令衛士射

雕截柳其後常加訓習弓力有至一石三斗

以引强平射爲上等難於引滿及選懦者差爲下等

量才遷肄

會要至道元年

有挽强一石五斗連二十

發而有餘力者常語左右今宇內阜安材武閒出弧矢之妙亦近罕有也又令騎步兵各數百東西列陣挽强弩視其進退發矢如一容止中節上曰此殿庭閒數百人爾猶兵威可觀況堂堂之陣數萬成列乎會要並實錄

建隆三年帝御便殿講習戰士是年

十一月七日辛酉又以殿前侍衛諸軍及京都兵從

駕出元化門大閱西郊

實錄十一月辛酉講武於近郊

十日甲子講

武于近郊

紀作辛酉大閱西郊實錄甲子又大閱于西郊

先是晉漢以來衛

兵浸廣至數十萬罕加訓練至太祖臨御嘗按籍閱

兵親校擊刺騎射之藝有選懦者咸黜去之至是始

大講武事謂近臣曰頃禁兵雖多未嘗訓練朕昨蒐
去冗弱遂爲精兵故因順時令而教習 開寶八年
三月二十九日詔契丹使於講武殿觀騎士習射九
年正月幸左飛龍院觀衛士射遂幸北苑令衛士與
契丹使騎射八月幸控鶴營觀騎射十月出元武門
幸西教場觀飛山兵按砲 開寶通禮有四時講武
儀國初四方未寧多親臨閱兵亦無常所按砲角射
軍儀精銳近世無有也
太祖一駕而下潞再矢而定楊三揖而納荆潭四指
而收蜀虜五征而平江南七臨幸教船池兩大閱西

郊

建隆岳臺習騎射

建隆三年十月己亥幸岳臺命侍衛諸軍習騎射遂幸玉津園二年二月丙寅幸飛山軍營閱砲車

建隆玉津園閱騎射 城西觀騎射

建隆四年四月乙巳幸玉津園閱近衛諸軍騎射

乾德四年二月十六日癸未幸閱士卒騎射張樂賜從官飲九月十四日乙巳幸觀衛兵騎射五年二月一日幸城西觀衛兵騎射

建隆校獵近郊 乾德校獵

建隆二年十二月十九日己卯始獵于近郊賜宰臣
至諸軍都校錦袍帝親御弧矢中兔三從官稱賀召
近臣賜飲十二月十日出元化門校獵三年十月二
十七日辛亥十一月二十六日己卯四年十月二十
一日己亥三十日戊申乾德元年十一月二十六日
乙亥並校獵于近郊二年十一月二十日校獵西郊
十二月八日校獵于陽武十九日校獵北郊四年正
月命關南雄霸羸莫州領所部兵大獵于幽州以耀
北鄙一本云詔關南監軍及雄霸羸莫州刺史勒所兵校獵于幽州之境以耀威武五年九
月二十一日十一月五日六年十月十一日十五日

開寶二年正月五日十一月十一日十三日十二月
朔三年十月二十四日十二月十日四年十二月十
一日五年十二月四日八年九月三日並校獵近郊
八年九月畋上因逐兔馬蹶而墜因刺馬殺之悔曰
吾爲天下主而輕事畋遊非馬之罪自是不復獵

乾德講武殿閱兵

乾德三年九月己巳御講武殿閱諸道兵得萬餘人
以騎軍爲驍雄步軍爲雄武並屬侍衛司
眞宗時亦
御承平不忘
武備者也

太平興國講武臺大閱
觀射
連弩

紀太平興國二年九月辛亥
二十
講武臺大閱

實錄先是太宗紹服之初一意事戎思有警邊備振

天威每朝罷卽於便殿或在後苑親閱禁卒取其伉

健者肄親軍罷軟老弱分配外州自是蕃衛之卒益

精詔築臺於千秋城西門外之楊村因名曰講武臺

是日大閱上與大臣從官登臺觀焉千乘萬騎雷動

雲合甲兵之盛近代無比一云南北綿亘二十餘

里建五色旗并金鉦鼓架於中央天武左廂都校崔

翰親執旗鼓每援旗指縱六師如一軍容甚整鼓以

麾兵兵乃大合周旋數四擊金退軍上甚悅一云先

楊信董其事帝以信爲將不能言命崔翰分布士伍

南北綿亘云云同上千乘萬騎周旋如一甲兵之盛

近代無比因謂左右晉朝之將必無如崔翰者言晉將不得人而軍政墮紊也丙辰上始狩於近郊作詩賜羣臣興國二年十二月二十四日乙丑幸講武臺令和

觀飛山卒發機石射連弩上將有事於晉陽一云將有事於

太原習武事也明年遂六年十二月己卯畋近郊還幸

講武臺賜從臣飲七年閏月丙申幸臺賜飲九年四

月甲午幸金明池習水戰上御水心殿召近臣觀之

因幸講武臺閱諸軍都試軍中之絕技者遞加錫賚

登瓊林苑樓樓前百戲皆作雍熙元年四月甲子幸

觀衛主馳射淳化二年正月改二舞名一變象登臺

講武

太平興國校獵西郊

畋近郊

閱武近郊御製獵詩

興國三年十月庚午車駕校獵於西郊

二年十二

月庚午車駕畋於近郊

一云上觀狩於西郊

親王宰相翰學節

察防團刺史及劉鋹李煜渤海泥國使皆從上親馳

射中走兔二回幸金鳳園張樂賜從臣飲

四年十

一月己丑校獵近郊十二月丁卯畋近郊五年九月

壬戌校獵近郊十二月甲戌畋因以閱武賜軍校衛

士襦袴六年十二月己卯校獵近郊親射中走兔四

顧謂從臣曰獵日出狩以順時令緩轡從禽且非荒

也回幸講武臺張樂賜從官飲七年閏十二月丙申

三
卷一百四十五
三
校獵近郊中兔二回幸講武臺二年十月己巳幸
京城西北隅觀親衛士與契丹使馳射又宴射內園
會要太平興國二年九月二十八日丙辰校獵于
近郊帝御弧矢射走兔四丁巳御製獵詩二章羣臣
屬和丑年三月先是令有司定打毬儀戊子用其儀
召羣臣會鞠於大明殿上獲多算

端拱元年十月癸未詔曰浴沂之歌上林之諷明鑒
不遠朕惟好生之德解網之仁今後順時行禮非時
更不於近甸遊獵五坊鷹犬放之諸州不得來獻

太宗教諸軍舞劍

太平興國四年四月壬申上幸太原城南射環甲冑
督諸將麾兵發機石攻城先是上有取太原之意乃
選諸軍勇士數百人教以舞劍皆能擲劍於空中躍
其身左右承之妙絕無比會北戎遣使修貢上宴其
使於後殿因出劍舞士數百人袒褐鼓譟揮刃而入
跳擲承接霜鋒雪鏑飛舞滿空戎使見之恐形於色
及親征太原必令爲前導賊衆喪膽 九月己亥幸
新城西南隅觀鉄林軍射强弩八年三月庚申幸御
龍直班院閱武

太平興國閱將校名籍

九年二月壬午朔上御崇政殿親閱將校自都指揮使已下至百夫長皆按名籍參驗勞績而升降凡數日而畢旣而謂近臣曰朕選補將校先取循謹能馭下者武勇次之

雍熙薦獲太廟

雍熙二年十一月壬午詔曰順時蒐狩禮有舊章非取樂於畋遊將薦誠於宗廟今暫狩近郊爰遵時令其以所獲禽獸付所司薦饗太廟永以爲式初上獵于西郊射中走兔五謂宰相曰蒐狩之事著于典禮古者以所獲之禽薦享宗廟其禮久廢今可復之遂

下是詔四年十二月庚戌狩于四郊行次近甸命近臣飲謂諭學宋白等曰可各賦臘辰從獵詩至行宮以詩上親獲雉兔五付有司以備宗廟薦享

至道親閱武士 崇政殿試射

太平興國九年二月壬申朔上御崇政殿閱諸軍校而升黜之凡數日學自是率循其制至道元年四月御崇政殿殿前指揮使并布陣騎射於庭人馬皆被甲立射棚於西序舊射在二月皆引滿急馳矢凡三發次命弩射亦如之俄遣執盾者數十人伏於射棚之前弓弩齊發飛矢如雨次引諸班弓弩手入復布隊步

射凡數千人鱗差而立且行且射皆擊鼓鳴鉦節其
進退次命諸班關槍御龍宮翹木關盤鐵槍於前有
重百三十斤者 實錄至道元年三月己巳上御崇
政殿殿前指揮使郭詵官數百輩試射語銀州牙校
張浦觀之弓皆力及一石六斗以上問浦戎人敢敵
否浦奏蕃部弓弱矢短豈敢拒敵

至道閱武便殿

至道元年十一月己未

十七日

上閱武便殿衛士挽弓

有及一石五斗者矢二十發而綽有餘力因謂近臣
曰事有奇異驚聽者此是也方今寰海無事美才閒

出悉在我彀中矣朕向於行伍中選氣質端謹勇而知禮進退有度者授以挽強之法俾相講教所以弧矢之妙夙古無比又令騎步兵各數百東西列陣發矢如一容止中節上曰數百人猶兵威可觀況堂堂之陣數萬成列者乎

至道崇政殿閱騎射

眞宗至道三年十一月己卯

己卽位未改元

上御崇政殿閱

殿前指揮使內殿直騎射鬪槩擢精銳者十餘人遷職當時彎弓二百斤傅長箭者謂之大弓箭止能步射有王貴言能挽而馬射馳鞚引滿綽有餘勇賜以

緡錢十二月命殿前指揮使王超引金槍直騎士至
殿庭分左右鳴鼓節進退數合而罷又觀東西班殿
侍騎射有數騎挾兩旗建雕盤於上引滿仰射皆中
又試強弓勁弩 咸平三年正月甲申并代鈐轄李
允正引廣銳騎士數百人對行宮前殿上與輔臣同
觀命允正屯邢州 時駐蹕天雄

咸平東武村大閱 賦

實錄咸平二年八月丙寅 十六日 大閱諸軍先是詔有
司擇地於東北郊至都二十里得東武村度形勢闊
爲廣場又憑高築臺臺上設幄建行宮于西北隅命